

Julie James AS
Y Gweinidog Newid Hinsawdd
Llywodraeth Cymru

5 Tachwedd 2021

Annwyl Julie

Memorandwm Cydsyniad Deddfwriaethol ar y Bil Diwygio Cyfraith Lesddaliad (Rhent Tir)

Diolch ichi am eich llythyr dyddiedig 1 Hydref lle gwnaethoch nodi y gellir cyhoeddi Memorandwm Cydsyniad Deddfwriaethol atodol ar y Bil Diwygio Cyfraith Lesddaliad (Rhent Tir) ddiwedd mis Tachwedd neu ddechrau mis Rhagfyr. Byddem yn ddiolchgar pe gallech gadarnhau pryd y bydd y Memorandwm Cydsyniad Deddfwriaethol atodol hwnnw'n cael ei osod, fel y gallwn gynllunio ein dull o graffu.

Cytunodd y Pwyllgor Busnes ar 4 Tachwedd y dylid ymestyn y dyddiad cau ar gyfer adrodd, o 18 Tachwedd i 2 Rhagfyr. Dau gyfarfod yn unig a drefnwyd cyn y dyddiad hwn, sef ar 17 Tachwedd ac ar 1 Rhagfyr, felly cyfyngedig yw'r amser i ystyried y Memorandwm Cydsyniad Deddfwriaethol a'r Memorandwm Cydsyniad Deddfwriaethol atodol ac i gyflwyno adroddiad arnynt. Os na ellir ystyried y Memorandwm Cydsyniad Deddfwriaethol atodol yn ein cyfarfod nesaf, bydd yn rhaid i ni ysgrifennu at y Llywydd i ofyn, naill ai am gyfarfod ychwanegol neu am estyniad i'r dyddiad cau ar gyfer adrodd.

Byddem yn gwerthfawrogi cael ymateb erbyn 11 Tachwedd fel y gellir trefnu ein hamserlen ar gyfer craffu yn ôl yr angen.

Yn gywir



John

John Griffiths AS

Cadeirydd

Croesewir gohebiaeth yn Gymraeg neu Saesneg.

We welcome correspondence in Welsh or English.

